

Drey guter Nützlicher
lehr einer Nachtigal.

Hans Sachs.



Gedruckt zu Nürnberg/durch
Valentin Neuber.

Gemeinschaftliches Seminar
der Justiz-Literatur-Universität Gießen
404 1432

Wo Jaren war ein Pawer alt
 Der het ein sehr lustigen walt/
 Darinn het er ein grünen anger
 Der war von Klee vnd Blümlein schwanger/
 Dardurch ein Pechlein kam gerunnen
 Von einem klaren kühlen Brunnen/
 Darbey hört man der Vogel gfang
 Das es gar wunnigklich erklang/
 Vnd sonderlich ein Nachtigal
 Der stim erschelt durch berg vnd thal/
 Nun begab sich an einem tag
 Das müdehalben der Pawer lag/
 Vnter ein Baum in seiner rhu
 Vnd höret der Nachtigal zu/
 Wie künstlich sie da figuriret
 Jetz hoch/dann nider/arclich zieret/
 Mit schönen leufflein vnterbrochen
 Das nicht mag werden aufgesprochen/
 Der Pawer im gedencen thet
 O das ich die Nachtigal het/
 Vnd stellet jr nach mit verlangen
 Bis das sie entlich wurd gefangen/
 Als er sie in der hand nun het
 Die Nachtigal den man anredt/
 Warumb hastu so lange zeyt
 Auff mich gelegt so groß arbeyt/
 Bis du doch hast gefangen mich

Germanistisches Seminar
 der Justus-Liebig-Universität Giessen

AG1/455

Sag

27023509

Bibl.
 Giessen

Sag mir nun her was hilff ich dich.
¶ Der Pawer sprach zum vögelein
Da mustu mein hoffsirer sein/
Mir singen beyde nacht vnd tag
¶ Die Nachtigal sprach ich dir sag/
Du solst vnd magst mich gar nicht zwingen
Dir ein einiges gfang zu singen/
¶ Der Pawer sprach redst so vermessen
So wif vnd das ich dich wil essen/
Must dein trutz zalen mit der haut
¶ Die Nachtigal sprach oberlaut/
Ich kan nicht vil gehelffen dich
Mein Pawer wo du sendest mich
Wird ich so klein/das du am schlinden
Meines fleysch wirst kaum entpfinden/
Brätstu mich dann so sag ich dir
Das ich daruon noch kleiner wir/
Sag was möcht ich denn speysen dich/
So du aber ließt fliegen mich/
Wolt ich drey weyser lehr dir geben
Die wern dir nützer in dein leben/
Denn guter feyster Kelber drey
¶ Der Pawer antwort wider frey/
So thu mir des ein ayd hie schweren
Das du mich die drey stuck wilt leren/
So bald vnd ich dich fliegen laß
¶ Die Nachtigal verhieß jm das/

Vnd sich des mit aydspflucht verbant
Da ließ ers ledig auff der handt/
Die flog auff einen Ast hindan
Vnd redt den Pawen also an/
Nun merck mein lehr des ersten mals
¶ Das du nicht solt glauben als/
Was man dir sagt vorauf wo es
Der warheyt nit ist gleych vnd gmes/
¶ Die ander lehr meck der gestalt
Als was dein ist / das selb behalt/
Mit fleyß / auff das du sein geneust
¶ Die dritte lehr was du verleyest/
Das man nicht wider bringen mag
Das selb auß deinem sinne schlag/
Vnd thu des schadens bald vergessen
Thu dich nicht darumb kümern vnd fressen/
So hastu die drey weysen lehr
Heltstus / sie helffen dich gar sehr/
Mit dem die Nachtigal sich schwang
Hoch auff ein Linden grün vnd sang/
Gott sey lob in dem höchsten thron
Welcher hat diesem Pawers man/
Sein leybliche augen verblent
Das er nit gsehen noch erkent
Hat / den köstling Carfunckel steyn
Den ich trag in meinem leybe fleyß/
Der ist wol dreyer lote schwer

Darvon

Darvon mechtig reich worden wer/
Der Pawer het groß gut erworben/
Ich aber müß drob sein gestorben/
Wann er mirn auß dem leyb het gschnitten
Nun wil ich aller freud mich mitten/
¶ Als der Pawer der red nam war
Schlug er sein brust vnd raufft sein har/
Mit seuffzen er weynet vnd klagt
O we mir armen er da sagt/
War ich nicht meiner sinn beraubt
Das ich dem Vogel hab geglaubt/
Sein wort vnd ließ in fliehen hin
O het ich jezundt wider in/
So müß er gewiß den todt leydn
Ich wolt auß seinem leyb im schneiden/
Den köstlichen Carfunckel steyn
¶ Da antwort die Nachtigal kleynt/
O du thoz was betrübstu dich
Vnd trawrest also sehr ymb mich/
Hast der drey lehr so bald vergessen
Thet ich nit erstlich dir ermessen/
Das du nicht glauben solt allzeyt
Als/was nicht gleich wer der warheyt/
Weshalb glaubst dann den Worten mein
Das inn mir ein Carfunckel steyn
Sey/der doch weg drey lot zu mal
Dieweyl vnd ich doch vberall/

Kaum wige eines lotes schwer
Izum andern obs gleych also wer/
Das in mir wer ein solcher steyn
Weyl ich war in den henden dein/
Warumb bhieltzt mich dann nicht darin
Sunder du lieft mich fligen hin/
Izum dritten was trawerst so fast
Dieweyl du mich verloren hast/
Kanst mich nicht mehr herwider bringen
Was kümmerst dich lang mit den dingen
Sunder solts in vergessen stelln
Dein hertz nit mit künern vnd queln/
Mit dem schwang sich die Nachtigal
Frölich hin vber berg vnd thal/
Lief hinter jr den alten Pawren
Mit gspot sitzen in angst vnd trawren.

Beschlus.

¶ Nun auß diser artlichen Fabel
Lert man als auß einer Parabel/
Drey trefflicher dapffer lehr
Ein menschen sünd zu mercken sehr/
¶ Erstlich das er nicht glauben sol
Alls was nicht ist zu glauben wol/
Laf sich nicht blenden alls geschwezt
Sunder fürsichtig er abscherzt/
Bey alln vmbstenden/wie/wo vnd wenn
Darauf er recht grundt erkenn/

Obes künig war sein oder nicht
Erlogen oder sunst erdicht/
Darmit er trogenhaffter weyß
Nicht werd gesüret auff ein Eys/
Wer jedem willig peut sein ohr
Vnd alles glaubt der ist ein thor/
Des hertz wird gar leychtlich gefangen
Vnd gleych dem Parvyn hinter gangen/
¶ Zum andern lert man drauß das stück
Was Gott ein geyt vnd das gelück/
Reychthum/ehr/gwalt/gunst oder kunst
Der gleich solch hoher gaben sunst/
Das er sich der gebrauchen sol
Nach seinem standt Christlich vnd wol/
Zu nortutfft/nutz/freuden vnd ehr
Vnd sie teglich mit ehren mehr/
Jedoch mit auffrichtigem mut
Halt sie mit fleyß in schutz vnd hut/
Das auß vnfleyß fahleßsigkheyt
Er nicht verliere mit der zeyt/
Soliche vorgemelte gab
Vnd jr mit nachrew mangel hab/
¶ Zum dritten merck er auch dis stück
So er durch vnfal vnd vnglück/
Doch on sein schuld mit der zeyt kumt
Vmb ehr/gewalt oder reychthum/
Vmb gunst/kunst/sterck/schön vnd gsundheyt


Das er nicht wider mit der zeyt/
Kan bringen / sol er das auff schlagen
Sein hertz im nit selb drumb abnagen/
Sunder mit Hiob sprech ebn
Gott der Herz hat mir das gebir/
Vnd wider gnumen dise zeyt
Sein nam der sey gebenedeyt/
Der alle ding im besten thut
Ob das gleich we thut fleysch vnd blut/
So ist es doch der seel darbey
Ein geystlich heylsam argeney/
Das die sünd abnem vnd nicht wachs
In solchem vnsal spricht Hans Sachs.



8
7
6
5
4
3
2
1
19
18
17
16
15
14
13
12
11
10
9
8
7
6
5
4
3
2
1

B.I.G.


Farbkarte #13



er Nützlicher
Nachtigal.
Sachs.



ürnberg/durch
Neuber



Inch
Cent